



EQIKKAANEQ

Ullut aappaat 24. maj 2014

Sukat sisamaasut aappaat pingajuallu ullut aappaanni sammineqarput.

Sukat aappaata "Inuussutissarsiorneq aamma isumalluutit uumassusillit" sammineqarnerani saqqummiisut nunatsinni inuussutissarsiorneq maannakkorpiaq killiffik pissutsillu sammivaat, siunissamilu ineriartortitsiviusinnaasut tikinneqartarlutik.

Sukat pingajuat "Isumaginninneq, peqqinneq avatangiisillu" aallarnerlugu saqqummiisut inuunerinnissamut inoqarfinni minnerusuni najugallit pisariaqartitaat pingaarnerit qitiutippaat. Saqqummiisut peqqinnissakkut isumaginninnikkullu nunaqarfinni sullissineq arlariinnik aporfissalik nassuerutigaa, taamaattorli iluarsiiarluni suliniutinik arlariinnik taakkartuullutik. Ineqarneq sanaartornerlu aamma tikinneqarput. Taakkunannga saqqummiisup inoqarfinni minnerni illunik inissianillu sanaartornerup isornartoqarnera naqissuserpaa, ilanngullugulu taallugu illut pisoqalisut aserfallakkaluttuinnartullu paaannartarnissaat iluarsaattarnissaalluunniit pimoorullugu sulissutigineqartoq.

Saqqummiinerni oqallinnernilu sammineqartut pingaarnersiorlugit makkuupput:

- Inoqarfiit minnerit inuussutissarsiorneq ineriartortitsivigineqarnerunissaat isumaqatigiissutaavoq, kaammattuutigineqarlunilu namminersorluni aallartitsiniarnernut suleqatigiittoqarnerusariaqartoq sapiissuseqartoqarnerullunilu.
- Takornariartitsinermi illutoqqat eriaqisariallit atorluarneqarsinnaanerat misilerarneqalersoq pissanngatigineqarlunilu soqutigineqarpoq.
- Tunitsiviit pioreersut suliareqqiisarfeqannginneri isornartinneqarpoq, kissaatigineqarlunilu avammut nassiussuiinnarani suliareqqiisarnissaq suliffissarpassuarnik pilersitsissasoq.
- Nunatsinni nioqqutissiat nunatta iluani niuertarfinni akitsorujussuarlugit nioqqutigineqarnerat iluarineqanngilaq, ilaatigut taamaaliornikkut nioqqutissanik avataaneersunik akikinnernik tikisitsiinnartarneq ilaatigut kinguneriinnartarmagu.
- Piniakkanik aalisakkanillu akilersinnaasumik amerlanerpaanullu iluaqutaasumik nioqqutissiorsinnaaneq ujartorneqarpoq, ilaatigullu piginneqatigiilluni aallarnisaasinnaaneq siunnersorneqarlunikkut periarfissatsialattut taaneqarpoq.
- Isumaginninnikkut, peqqinnissakkut kigutigissaanikkullu sullissinermi inoqarfiit minnerit malinnaatinneqarnerunissaat suliniutigineqartuarpoq, ilaatigullu ungasianiit nakorsartitsisarnerit inerisarneqarnerat nunaqarfiit ilaanni iluaqutigineqarluppoq.
- Nunaqarfimmiut meerartaasa pujortarnerujussuat uparuarneqartut ilagaat, siunissamilu pimoorussaaneersumik pinaveersaartinnissaanut sulinissaq isumaqatigiissutaavoq.